

Biblioteca ta casi cla pa bay scol



Biblioteca Nacional Aruba ta casi cla pa habri su Festival di Buki pa Mucha diabierna awor. Falta un par di preparacion y detaye so. Tambe e autornan y ilustradonan ta trahando duro riba un siman di presentacion na masha hopi mucha di scol.

Nan ta duna presentacion mainta na diferente scol riba nos isla y tambe atardi na biblioteca di 3or pa 4or. Tur esaki den siman di dialuna awor dia 2 di november pa diabierna 6 di november.

Mireille Sint Jago ta un di e autornan cu ta bishita scol

otro siman y ta duna un presentacion tambe diahuebs atardi dia 5 di november na biblioteca San Nicolas, pa 3or di atardi.

Mireille Sint Jago (47) ta docente kimico na sol secundario y e ta mama di 2 yiu homber. El a skirbi 3 buki di mucha. Den su bukinan el a pone algun di su experencia como mama. Su prome buki 'Bombero riba Bais', ta conta di un mucha homber cu ta biba cu su tata.

E kier un bais nobo pa su cumpleaños, un bais cora. Pero e famia no tin mucho cen. E ta dicidi di drecha su bais bieu. Pero tin un sorpresa na caminda. E buki aki y e otro dos bukinan di Mireille ta parti di un serie di 36 buki cu a wordo skirbi pa e proyecto 'Scol Multilingual' y ta apto pa lesado hoben.

E di dos buki cu Mireille a skirbi yama 'Profesor Luciano'. Un storia di un mucha homber cu ta conta di un manera idilico di e bida diario di e mucha homber y su soñonan.

E mucha homber ta soña di bira un profesor algun dia. Pero un dia e ta haya un susto meymey di su hardin di

barbulet.

E di tres buki di Mireille ta titula 'Fiesta di Awa'. Tres amiga ta haci un biahe di aventura durante un fiesta di awa. Pero... e fiesta aki ta leuk?

Mireille como docente a hinca algo educativo den su storianan. E storia tin como decor e sistema di purifica awa sushi na Bubali plas. E ultimo storia aki ta skirbi den rima y ta contene 94 verso. □

